



DET KONGELEGE  
JUSTIS- OG POLITIDEPARTEMENT

# St.prp. nr. 66

(2000-2001)

---

Om endringer på statsbudsjettet for  
2001 under kap. 410 Herads- og  
byrettane og under kap. 440 Politi- og  
lensmannsetaten

*Tilråding frå Justis- og politidepartementet av 30. mars 2001,  
godkjend i statsråd same dagen.*

## **1 Bakgrunn**

Justisdepartementet legg stor vekt på arbeidet med raskare behandling av straffesaker. Departementet er derfor oppteke av ei rett fordeling av budsjettet mellom dei ulike ledda i straffesakskjeda.

I St.prp. nr. 1 (2000-2001) for Justisdepartementet la ein til grunn at forslaget til løyving under kategori 06.20 Rettsvesen ville vere dekkjande for å føre vidare aktivitetsnivået i domstolane frå 2000 til 2001. Det har like fullt i ettertid vist seg at enkelte driftsutgifter ikkje blei tekne med i budsjettet. Det har derfor vore nødvendig å gi pålegg til i alt 35 domstolar i herads- og byrettane om å halde dommar-/og dommarfullmektigstillingar ledige. Det vil kunne vere behov for ytterlegare pålegg dersom domstolanes budsjett ikkje blir styrka. Restansar og saksavviklingstid vil venteleg auke vesentleg.

## 2 Forslag til omprioritering

Det er nødvendig med strakstiltak for å sikre ei forsvarleg saksavvikling i domstolane. Justisdepartementet foreslår å styrkje domstolane ved å omprioritere ressursar innanfor programområde 06 Justissektoren. Det blir foreslått å auke løyvinga under kap. 410 Herads- og byrettane, post 01 Driftsutgifter med 16 mill. kr mot ein tilsvarande reduksjon under kap. 440 Politi- og lensmannsetaten, post 01 Driftsutgifter. Politidistrikta vil ikkje bli ramma av eit slikt opplegg. Reduksjonen gjeld reelle innsparingar i form av overføringar frå 2000, i all hovudsak grunna seinare tilsetjing i nye stillingar i politi- og lensmannsetaten. Endringa vil ikkje innebere reduksjon i aktiviteten samanlikna med situasjonen i dag.

Når det gjeld kriminalomsorga, vil departementet komme tilbake til eventuelt behov i samband med revidert nasjonalbudsjett.

Justis- og politidepartementet

t i l r å r :

At Dykkar Majestet godkjenner og skriv under eit framlagt forslag til proposisjon til Stortinget om endringer på statsbudsjettet for 2001 under kap. 410 Herads- og byrettane og under kap. 440 Politi- og lensmannsetaten.

---

**Vi HARALD,** Noregs Konge,

s t a d f e s t e r :

Stortinget blir bedt om å gjere vedtak om endringer på statsbudsjettet for 2001 under kap. 410 Herads- og byrettane og under kap. 440 Politi- og lensmannsetaten i samsvar med eit vedlagt forslag.

## Forslag til vedtak om endringer på statsbudsjettet for 2001 under kap. 410 Herads- og byrettane og under kap. 440 Politi- og lensmannsetaten

### I

I statsbudsjettet for 2001 blir det gjort følgjande endringer:

#### Utgifter:

| Kap . | Post | Formål                                    | Kroner     |
|-------|------|-------------------------------------------|------------|
| 410   |      | Herads- og byrettane:                     |            |
|       | 1    | Driftsutgifter, blir auka med             | 16 000 000 |
|       |      | frå kr 800 320 000 til kr 816 320 000     |            |
| 440   |      | Politi- og lensmannsetaten:               |            |
|       | 1    | Driftsutgifter, blir redusert med         | 16 000 000 |
|       |      | frå kr 4 810 154 000 til kr 4 794 154 000 |            |

---

---